

## Akashvani, Sambalpur

### SAMBALPURI NEWS EVENING BULLETIN

29 March 2026-7.02- 7.12 pm.

---

୧- ପଶ୍ଚିମ ଏସିଆର ସାମ୍ପ୍ରତିକ୍ ଥିତିର ମୁକାବିଲା ଲାଗି ଶହେ ୪୦ କୋଟି ଭାରତୀୟଙ୍କୁ ଏକ୍ ହେବାର ଲାଗି ଆହ୍ମାନ ଦେଲେ ପ୍ରଧାନମନ୍ତ୍ରୀ ।

- ସମ୍ବଲପୁରର ସୁଜାତା ଭୂୟାଁ ଆଉ କେନ୍ଦ୍ରାପଡ଼ାର ଓମ୍ପ୍ରକାଶ୍ ରଥଙ୍କୁ ମନ୍ କି ବାଡ଼ ଥି କଲେ ପ୍ରଶଂସା ।

୨- ଧାରିଜ୍ ସମିଆ ଆଘୋନୁ ମାଓବାଦୀମାନଙ୍କୁ ଆତ୍ମସମର୍ପଣ୍ କରବାରକେ ପରାମର୍ଶ ଦେଲେ ପୁଲିସ୍ ମହାନିର୍ଦ୍ଦେଶକ୍ ।

ଆଉର୍

୩- କାଲବୈଶାଖୀର ପ୍ରଭାବ୍ଥୁ ଧୁକାଗର୍ଡ଼ି ସାଙ୍ଗେ ବର୍ଷା ଲାଗି ୧୨ଟା ଜିଲ୍ଲାକେ ସତର୍କ କଲା ପାଣିପାଗ୍ କେନ୍ଦ୍ର ।

ମନ୍ କି ବାଡ଼

ଏନ୍ଏସ୍‌ଡି/ ସମ୍ବଲପୁର ସମାଦଦାତା

ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ ଆଏଜ୍ ଆକାଶ୍‌ବାଣୀର ମନ୍ କି ବାଡ଼ କାର୍ଯ୍ୟକ୍ରମର ଶହେ ୩୨ ନମ୍ବର ସଂସ୍କରଣ୍ଥି ଦେଶ୍‌ବାସୀଙ୍କର ସହେତେ ଭାବ୍ ବିନିମୟ କରିଛନ୍ । ପଶ୍ଚିମ ଏସିଆର ଯୁଦ୍ଧ ପରିସ୍ଥିତି ବାବ୍ଦେ ପ୍ରଧାନମନ୍ତ୍ରୀ କହିଛନ୍, ଶହେ ୪୦ କୋଟି ଭାରତୀୟଙ୍କୁ ଏକ୍ ହେଇକରି ଇ ସମସ୍ୟାର ମୁକାବିଲା କରବାରକେ ପଡ଼୍‌ବା । ମଧ୍ୟପ୍ରାଚ୍ୟ ନ ରହୁଥିବା ୧ କୋଟିନ୍ନୁ ଅଧିକ୍ ଭାରତୀୟଙ୍କୁ ଉପସାଗରୀୟ ଦେଶ୍‌ମାନଙ୍କର ତରଫୁ ସବୁ ପ୍ରକାର୍ ସହଯୋଗ୍ ଦିଆଯାଉଛେ । ଯେନ୍‌ଟା ବାସ୍ତବିକ୍ ପ୍ରଶଂସନୀୟ ଆଏ ବଲି ଶ୍ରୀ ମୋଦୀ କହିଛନ୍ । ଗୁଜବ୍ଥି ବିଶ୍ୱାସ୍ ନାହିଁ କରିକରି ସତର୍କ୍ ରହେବାର୍ ସହେତେ ସରକାରଙ୍କର ତଥ୍ୟ ଉପରେ ଭରସା କରବାରକେ ପ୍ରଧାନମନ୍ତ୍ରୀ ଦେଶ୍‌ବାସୀଙ୍କୁ ଆହ୍ୱାନ୍ ଦେଇଛନ୍ ।

(ଭଏସ୍ ଓଭର୍-ପିଏମ୍-୧)

ପଶ୍ଚିମ ଏସିଆ ନ ଦେଖାଦେଇଥିବା ପରିସ୍ଥିତି ଲାଗି ଚିନ୍ତା କରିକରି ପ୍ରଧାନମନ୍ତ୍ରୀ କହିଛନ୍, ପେଟ୍ରୋଲ୍ ଆଉ ଡିଜେଲ୍‌କେ ନେଇକରି ସାରା ପୁର୍ଥି ନ ସଙ୍କଟ୍ ଦେଖାଦେଇଛେ । ମଧ୍ୟପ୍ରାଚ୍ୟ

ଅଂଚଳ ଭାରତର ଶକ୍ତି ଆବଶ୍ୟକତାର ଗୁଡ଼େ ମୁଖ୍ୟ କେନ୍ଦ୍ର ହେଇଥିବାରୁ ଇ ସମିଆ ଆହ୍ମାନ ଭରା ହେଇଛେ । ପ୍ରଧାନମନ୍ତ୍ରୀ ଜ୍ଞାନ ଭାରତମ୍ ଆପ୍ ଜରିଏ ସର୍ବେକ୍ଷଣ୍ ଉପରେ ଜୋର୍ ଦେଇକରି କହିଛନ୍, ଦେଶର୍ ପାଣ୍ଡୁଲିପି ବିଷେଥ୍ ତଥ୍ୟ ଠୋଲ୍ କରାଯାଉଛେ ।

ଇଟା ଭାରତର ମହାନ ସଂସ୍କୃତି ଆଉ ଐତିହ୍ୟକେ ଦର୍ଶଉଛେ । ପାଣ୍ଡୁଲିପି କି ତାର ବିଷେଥ୍ କେନ୍ଦ୍ରୀ ତଥ୍ୟ ଥିଲେ ଜ୍ଞାନ ଭାରତମ୍ ଆପ୍ ଜରିଏ ପ୍ରକାଶ୍ କରବାର ଲାଗି ପ୍ରଧାନମନ୍ତ୍ରୀ ପରାମର୍ଶ ଦେଇଛନ୍ । ଭାରତ୍ ପୁରୁଥ୍ ସବୁନ୍ ବଡ଼ ଯୁବ ଶକ୍ତିର୍ ଦେଶ୍ ଆଏ । ରାଷ୍ଟ୍ରନିର୍ମାଣ୍ ଯୁଆନ୍ ପିଡ଼ିକ୍ ଗୁରୁତ୍ପୂର୍ଣ୍ଣ ଭୂମିକା ରହିଛେ । ଇ କ୍ଷେତ୍ରଥ୍ ମାଇ ଭାରତ୍ ସଂଗଠନ୍ ମୁଖ୍ୟା ଭୂମିକା ନେଇଛେ । ଦେଶର୍ ଯୁଆନ୍ ପିଡ଼ିକ୍ ଭିନ୍ ଭିନ୍ ସକାରାତ୍ମକ୍ କାମ୍ କାଇ ସାଙ୍ଗେ କୁଡୁଥିବାରୁ ପ୍ରଧାନମନ୍ତ୍ରୀ ଇ ସଂଗଠନ୍ ପ୍ରଶଂସା କରିଛନ୍ ।

ସମ୍ବଲପୁର୍ ମୁଦିପଡ଼ା ଏଲ୍ଆଇସି କଲୋନୀର ସୁଜାତା ଭୂୟାଁ ହୀରାକୁଦ୍ ଜଳଭଣ୍ଡାର୍ ନ କେଜ୍ କଲ୍ତର ମାଛ ଚାଷ୍ କରିକରି ଆତ୍ମନିର୍ଭର୍ ହେବାର୍ ସହେତେ ଅଲ୍ଗା ମହିଳାମାନକର୍ ଲାଗି ଗୁଡ଼େ ଉଦାହରଣ୍ ସାଜିଛନ୍ । ଗୃହିଣୀନ୍ ଝନେ ସଫଲ୍

ଉଦ୍ୟୋଗୀମାନେ ତାଙ୍କର ଇ ଯାତ୍ରା ନାରୀ ସମାଜକେ ପ୍ରେରିତ୍ କରବା ବଳି ପ୍ରଧାନମନ୍ତ୍ରୀ ତାଙ୍କୁ ପ୍ରଶଂସା କରିକରି କହିଛନ୍ ।

(ଭବସ୍ ଓଭର୍-ପିଏମ୍-୨)

କେଜ୍ କଲ୍ଚର ଜରିଏ ମାଛ ଚାଷ କରବାର ସହେତେ ଶ୍ରୀମତୀ ଭୂୟାଁ ୧୫ ଝନ୍କୁ ରୋଜଗାର ଭିଲ୍ ଦେଇଛନ୍ । ୩ ଟା ଯନ୍ତାଥ୍ ସେ ୫୪ ଲାଖ୍ ଟଙ୍କା ନିବେଶ୍ କରବାର ସହେତେ ବଛରକ୍ ଗୁଟେ ଯନ୍ତାନୁ ୨୫ ଟନ୍ ମାଛ ଉତ୍ପାଦନ୍ କରୁଛନ୍ । ତାଙ୍କର ମାଛ ସବୁ ରାୟପୁର, ବିଜୟଘାଟା ଆଉ କୋଲକାତା ସହେତେ ଭିନ୍ ଭିନ୍ ରାଜ୍ୟକେ ରପ୍ତାନୀ ହେଉଛେ । ପ୍ରଧାନମନ୍ତ୍ରୀଙ୍କର ଉତ୍ସାହ ତାଙ୍କୁ ଆଗ୍ କେ ଯିବାରକେ ପ୍ରେରଣା ଦେବା ବଳି ନିଜର ଖୁସି ଜାହିର୍ କରିକରି ଶ୍ରୀମତୀ ଭୂୟାଁ ତାଙ୍କର ପ୍ରତିକ୍ରିୟାଥ୍ କହିଛନ୍ ।

(ଭବସ୍ ଓଭର୍-ସୁଜାତା ଭୂୟାଁ)

ମହିଳା ନେତୃତ୍ୱାଧୀନ୍ ବିକାଶ୍ ଆଉ ସେମାନକର ସଶକ୍ତିକରଣ୍ କ୍ଷେତ୍ରଥ୍ ବହୁତ୍ଟେ ପଦକ୍ଷେପ୍ ନେଇଥ୍ବା କେନ୍ଦ୍ରାପଡ଼ା ଜିଲ୍ଲାର୍ ଓମ୍ ପ୍ରକାଶ୍ ରଥଙ୍କର ସହେତେ ପ୍ରଧାନମନ୍ତ୍ରୀ କଥାବାର୍ତ୍ତା କରିକରି ଖୁସି ଜାହିର୍ କରିଛନ୍ । ଇ ମାସ ସାରାଦେଶର କ୍ରିକେଟ୍ ପ୍ରେମୀ ମାନକର ଲାଗି ଗୁଟେ ଉତ୍ସାହପୂର୍ଣ୍ଣ ସମିଆ ଥିଲା ।

ଭାରତୀୟ ଦଲ୍‌ର ଟି-ଟ୍ରେଟି ବିଶ୍ୱକପ୍‌ ଐତିହାସିକ୍ ବିଜୟ ଲାଗି ସାରାଦେଶେ ଖୁସିର ଲହରୀ ଖେଳି ଯାଇଥିଲା । ଦଲ୍‌ର ଇ ବଡ଼ ସଫଳତା ଲାଗି ଦେଶବାସୀ ଗର୍ବିତ୍‌ ଆନ୍‌ ବଳି ପ୍ରଧାନମନ୍ତ୍ରୀ କହିଛନ୍‌ ।

ଇତାରୁଛଡ଼ା ଭିନ୍‌ ଭିନ୍‌ ଅନ୍ତର୍ଜାତୀୟ କ୍ରୀଡ଼ା ପ୍ରତିଯୋଗିତାଥୁ ଦେଶର ଖେଳାଳିମାନେ ହାସଲ୍‌ କରିଥିବା ସଫଳତା ବାବ୍‌ଦେ ପ୍ରଧାନମନ୍ତ୍ରୀ କହିଛନ୍‌ । ଅନ୍ତର୍ଜାତୀୟ ଯୋଗ ଦିବସ୍‌କେ ଆଉ ଶହେ ଦିନ୍‌କୁ ଭିଲ୍‌ କମ୍‌ ସମିଆ ବାକି ରହିଛେ । ଯୋଗ ଲାଗି ସାରା ପୁରୁଥୁ ନ ଆକର୍ଷଣ୍‌ ବଢ଼ିବାର୍‌କେ ଲାଗିଛେ । ଶାରୀରିକ୍ ସ୍ୱାସ୍ଥ୍ୟ ଉପ୍‌ରେ ଧାନ୍‌ ଦେବାର୍‌କେ ପ୍ରଧାନମନ୍ତ୍ରୀ ଦେଶବାସୀଙ୍କୁ ପରାମର୍ଶ ଦେଇଛନ୍‌ ।

ଦେଶର ବହୁତ୍‌ଟେ ଇଲାକା ନ ଖରାମାସ୍ ମୁଲ୍‌ ହେଇଥିବାର୍‌ ବେଲେ ପାନିର ସଂରକ୍ଷଣ୍‌ ଲାଗି ନିଜର ପ୍ରତିବନ୍ଧତାକେ ଦେଖାବାର୍‌ ସମିଆ ଆସିଛେ । ଗଲା ୧୧ ବଛର୍‌ ଭିତ୍‌ରେ ଜଳ ସଂଚୟ ଅଭିଯାନ୍‌ ଲୋକ୍‌ମାନ୍‌କର ଭିତ୍‌ରେ ବ୍ୟାପକ୍‌ ସଚେତନତା ସୃଷ୍ଟି କରିଛେ । ଇ ଅଭିଯାନ୍‌ ଅଧୀନ୍‌ଥୁ ସାରା ଦେଶେ ପାଖାପାଖି ୫୦ ଲାଖ୍‌ କୃତ୍ରିମ ଜଳ ଅମଳ ଢ଼ଂଟା ତିଆର କରାଯାଇଛେ ବଳି ଶ୍ରୀ ମୋଦୀ କହିଛନ୍‌ । ଏକ୍‌ ପେଡ଼୍‌

ମା କେ ନାମ୍ ଅଭିଯାନ ଅଧୀନସ୍ତୁ ସାରା ଦେଶେ ଲାଖ ଲାଖ ଗଛ ଜଗାଯାଇଛେ । ପ୍ରଧାନମନ୍ତ୍ରୀ ଇଟା ପ୍ରେରଣାଦାୟକ୍ ଆଏ ବଳି କହିଛନ୍ । ପ୍ରଧାନମନ୍ତ୍ରୀ ସୂର୍ଯ୍ୟଘର ମୁକ୍ତ ବିଜୁଳି ଯୋଜନାର ପ୍ରଭାବ୍ ଦେଶର୍ ଚାର୍ହିକୁଟି ଦେଖ୍‌ବାର୍‌କେ ମିଳିଛେ । ଖାସ୍ କରି ଇଟାକେ ଉତର୍ ପୂର୍ବୀତଲ୍ ଇଲାକା ନ କରାଯାଉଛେ ବଳି ପ୍ରଧାନମନ୍ତ୍ରୀ ମନ୍ କି ବାଡ୍ କାର୍ଯ୍ୟକ୍ରମ୍ ଜରିଏ କହିଛନ୍ ।

ପୁଲିସ୍ ମହାନିର୍ଦ୍ଦେଶକ୍ -କକ୍ଷମାଲ୍ କକ୍ଷମାଲ୍ ସମ୍ବାଦଦାତା/ଏକ୍ସ

ପୁଲିସ୍ ମହାନିର୍ଦ୍ଦେଶକ୍ ଯୋଗେଶ୍ ବାହାଦୂର୍ ଖୁରାନିଆ ୨ ଦିନିଆ କକ୍ଷମାଲ୍ ଜିଲ୍ଲା ଗସ୍ତସ୍ ଯାଇକରି ପୁଲ୍‌ବାଣୀ ରିଜର୍ଭ୍ ପୁଲିସ୍ କାର୍ଯ୍ୟାଳୟ ନ ଅତିରିକ୍ତ ମହାନିର୍ଦ୍ଦେଶକକର୍ ସହେତେ ରାଏଜେ ମାଓବାଦୀ ଗତିବିଧିର୍ ସମୀକ୍ଷା କରିଛନ୍ । ଶ୍ରୀ ଖୁରାନିଆ କହିଛନ୍, ବଛର୍‌କର୍ ଭିତ୍ରେ ଓଡ଼ିଶା ପୁଲିସ୍ ଠାନ୍ ୭୭ ଝନ୍ ମାଓବାଦୀ ଆତ୍‌ସମର୍ପଣ୍ କରିଛନ୍ । ୨୩ ଝନ୍ ମାଓବାଦୀ ଛତିଶଗଡ୍ ନ ଆତ୍‌ସମର୍ପଣ୍ କରିଥିବାର୍ ବେଲେ ୨୭ ଝନ୍ ମାଓବାଦୀଙ୍କୁ କମ୍ପିଂ

ଅପରେସନ୍‌ଥି ନିହତ୍ ହେଇଛନ୍ । ରାୟଗଡ଼ା, କନ୍ଧମାଲ୍ ଆଉ  
କଲହାଣ୍ଡି ଜିଲ୍ଲାର୍ କିଛି ଟା ଜାଗା ନ ା ନୁ ଯ ଙ୍ ମାଓବାଦୀ  
ସକ୍ରିୟ ଅଛନ୍ । ମାଓବାଦୀମାନ୍କୁ ଧାରିଜ୍ ସମିଆ ଆଘୋନୁ  
ଆତ୍‌ସମର୍ପଣ କରବାରକେ ପୁଲିସ୍ ମହାନିର୍ଦ୍ଦେଶକ୍ ଶ୍ରୀ ଖୁରାନିଆ  
ନିର୍ଦ୍ଦେଶ୍ ଦେଇଛନ୍ ।

(ଭଏସ୍ ଓଭର୍- ଡ୍ରାଇ.ବି. ଖୁରାନିଆ)

ଲକ୍ଷ୍ମଣ ନାୟକ- ଶ୍ରୀଜବାକ୍ଷିକୀ ଆଇ.ଆର୍.ପି.ଆର୍

ଦେଶ୍‌ପ୍ରେମ୍ ବଳିଷ୍ଠ ପ୍ରତୀକ ଶହୀଦ୍ ଲକ୍ଷ୍ମଣ ନାୟକଙ୍କର୍ ବଳିଦାନ୍  
ଦିବସ୍ଥ୍ ଆଏଜ୍ ସାରା ରାଏଜେ ତାଙ୍କୁ ଶ୍ରଦ୍ଧାଞ୍ଜଳି  
ଦିଆଯାଇଛେ । ତାଙ୍କର୍ ୮୪ ତମ ରାଜ୍ୟସ୍ତରୀୟ ଶ୍ରୀଜଦିବସ୍  
ଆଏଜ୍ ବିଧାନସଭା ପରିସର୍ ନ ପାଲିତ୍ ହେଇଯାଇଛେ ।  
ବାଚସ୍ପତି ସୁରମା ପାଢ଼ୀଙ୍କର୍ ସହେତେ ବହୁତ୍ ବିଶିଷ୍ଟ  
ବ୍ୟକ୍ତିବିଶେଷ୍ ତାଙ୍କର୍ ପ୍ରତିମୂର୍ତ୍ତିଥ୍ ମାଲ୍ୟାର୍ପଣ୍ କରିଛନ୍ ।  
ମୁଖ୍ୟମନ୍ତ୍ରୀ ମୋହନ୍ ଚରଣ୍ ମାଝୀ ଶ୍ରଦ୍ଧାଞ୍ଜଳି ଜନେଇକରି  
କହିଛନ୍, ଶହୀଦ୍ ଲକ୍ଷ୍ମଣ ନାୟକଙ୍କର୍ ତ୍ୟାଗ, ବଳିଦାନ୍ ଆଉ  
ଦେଶ୍‌ପ୍ରେମ୍ ରାଜ୍ୟବାସୀଙ୍କର୍ ମନ୍ ଭିତ୍ରେ ଅମର୍ ହେଇକରି

ରହେବା । କେନ୍ଦ୍ର ଶିକ୍ଷାମନ୍ତ୍ରୀ ଧର୍ମେନ୍ଦ୍ର ପ୍ରଧାନ ସଂଗ୍ରାମୀ  
ଶହୀଦ୍ ଲକ୍ଷ୍ମଣ ନାୟକଙ୍କୁ ଶ୍ରଦ୍ଧାଞ୍ଜଳି ଜନେଇଛନ୍ ।  
ଉପମୁଖ୍ୟମନ୍ତ୍ରୀ ପ୍ରଭାତୀ ପରିଡ଼ା ଶହୀଦ୍ ଲକ୍ଷ୍ମଣ ନାୟକଙ୍କୁ  
ସ୍ମୃତୀ କରିକରି କହିଛନ୍, ନିଷ୍ଠୁର ବ୍ରିଟିଶ ଶାସନ୍ ବିରୋଧି  
ତାଙ୍କର୍ ଅଦମ୍ୟ ସାହସ୍ ସବୁଦିନର୍ ଲାଗି ସ୍ମୃତୀ ହେଇକରି  
ରହେବା ।

ବଲାଙ୍ଗିର - ଏସ୍ଆଇଆର

ବଲାଙ୍ଗିର ସମ୍ବାଦଦାତା

ବଲାଙ୍ଗିର ଜିଲ୍ଲା ଲୁଇସିଂହା ନିର୍ବାଚନ୍ ମଣ୍ଡଳୀ ଅଧୀନ୍ଥି ଥିବା  
ପୁଇଁତଳା ବୁକ୍ ଆଗଣା କଲ୍ୟାଣ୍ ମଣ୍ଡପ୍ ନ ଏସ୍ଆଇଆର  
ବାବ୍ଦେ ଗୁଟେ ପ୍ରଶିକ୍ଷଣ୍ ଶିବିର୍ ହେଇଯାଇଛେ । ଇଥି  
ଲୁଇସିଂହା ବିଧାୟକ୍ ଆଉ ସ୍ଵାସ୍ଥ୍ୟମନ୍ତ୍ରୀ ଡକ୍ଟର୍ ମୁକେଶ୍  
ମହାଲିଙ୍ ଯୋଗ୍ ଦେଇକରି ଦଲର୍ ନୀତି ଆଦର୍ଶ, ବିକଶିତ୍  
ଓଡ଼ିଶା ବିକଶିତ୍ ଭାରତ୍ ଆଉ ଖାସ୍ କରି ଏସ୍ଆଇଆର  
ବାବ୍ଦେ ପ୍ରଶିକ୍ଷଣ୍ ଦେଇଥିଲେ ।

ଭାରତ୍ ସ୍ଵାଉଟ୍, ଗାଇଡ୍ କେମ୍ପାରି

କଲାହାଣ୍ଡି ସମ୍ବାଦଦାତା

ଓଡ଼ିଶା ରାଜ୍ୟ ଭାରତ୍ ସ୍ଵାଧୀନ ଥାଇ ଗାଈଡ଼୍ କଳାହାଣ୍ଡି ଜିଲ୍ଲା  
ୟୁନିଟ୍ ତରଫୁ ଧରମ୍ଗଡ଼୍ କଳାହାଣ୍ଡି ଉତ୍ତର ପଡ଼ିଆ ନ ୨  
ଦିନିଆ କେମ୍ପୋରି ଉଦ୍ଘାଟିତ୍ ହେଇଯାଇଛେ । କାର୍ଯ୍ୟକ୍ରମ୍  
କଳାହାଣ୍ଡି ଜିଲ୍ଲାର୍ ୧୩ ଟା ବ୍ଲକ୍ ୬ ଶହ ୧୨ ଝନ୍  
ଶିବିରାର୍ଥୀ ଯୋଗ୍ ଦେଇଛନ୍ । ବିଦ୍ୟାଳୟ ଥାଇ ଗଣଶିକ୍ଷା  
ମନ୍ତ୍ରୀ ନିତ୍ୟାନନ୍ଦ ଗଣ୍ଡ କାର୍ଯ୍ୟକ୍ରମ୍ ମୁଖ୍ୟଅତିଥି ଭାବେ  
ଯୋଗ୍ ଦେଇକରି କେମ୍ପୋରିକେ ଉଦ୍ଘାଟନ୍ କରିଛନ୍ ।

ନିମନ୍ତ୍ରଣ ପତ୍ର-ବିଧାୟକ୍ ବୌଦ୍ଧ ସମାଦଦାତା

ବୌଦ୍ଧ ବ୍ଲକ୍ ବାଉଁଶୁଣି ଇଲାକା ନ ଗୁଟେ ଖାସ୍ ଅଭିଯାନ୍  
କଂଗାମାଲ୍ ବିଧାୟକ୍ କହେଇ ଚରଣ୍ ତାଳା ମୁଖ୍ୟମନ୍ତ୍ରୀ କର୍  
ସ୍ଵାକ୍ଷରିତ୍ ନିମନ୍ତ୍ରଣ ପତ୍ର ବାଂଚିଛନ୍ । ଇତାର୍ସହେତେ ଆଏବା  
ଏପ୍ରିଲ୍ ୨ ତାରିଖନ୍ ମୁଲ୍ ହେବାର୍କେ ଥିବା ପ୍ରବେଶ୍ ଉତ୍ତର  
ଥାଇ ଖଡ଼ିଛୁଆଁ କାର୍ଯ୍ୟକ୍ରମ୍ ଶିଶୁବାଟିକା ଥାଇ ୧ ଶ୍ରେଣୀଥ୍  
ନାଁଲେଖାବାର୍କେ ଥିବା ଛାତ୍ରଛାତ୍ରୀମାନକର୍  
ଅଭିଭାବକମାନକୁ ସଚେତନ୍ କରିଥିଲେ ।

## ପାଣିପାଗ ଆରବନ୍ଧୁ/ ସମ୍ବଳପୁର

କାଲବୈଶାଖୀର ପ୍ରଭାତ୍ଥ ରାଜ୍ୟର ଉତର ସମୁଦ୍ରସିଂହୀ ଆଉ ଦକ୍ଷିଣ ଓଡ଼ିଶାର ଭିନ୍ ଭିନ୍ ଜାଗା ନ ବର୍ଷା ହେବାର ସମ୍ଭାବନା ରହିଛି । ଆସବା ୨୪ ଘଂଟା ଭିତରେ ଧୁକାଗର୍ଡ଼ି ସହେତେ ବର୍ଷା ହେବା ବଳି ୧୬ ଟା ଜିଲ୍ଲାକେ ଭୁବନେଶ୍ୱର ଆଂଚଳିକ୍ ପାଣିପାଗ ବିଜ୍ଞାନ କେନ୍ଦ୍ର ତରଫୁ ସତର୍କ ସୂଚନା ଜାରି କରାଯାଇଛି । ଆସବା ୨ ଦିନ ଭିତରେ ରାଜ୍ୟର ଜିଲ୍ଲାମାନଙ୍କେ ଦିନର ସବୁନୁ ଜହ ତାପମାତ୍ରାଥୁ ଖାସ୍ ପରିବର୍ତ୍ତନର ସମ୍ଭାବନା ନାହିଁନ । ତାର ଉତ୍ତରୁ ତାପମାତ୍ରା ୨ ନୁ ୩ ଡିଗ୍ରୀତକ୍ ବଢ଼ିବା ବଳି ପାଣିପାଗ କେନ୍ଦ୍ର ତରଫୁ କୁହାଯାଇଛି ।